



Terenga 4: Hōtaka 14 - Kei a... / He...tā/tō...

He Mihi

Kei aku ngutu kākā, kei aku pua kōwhai, tomo mai anō ki te whare o Ako. I hangaia te whare nei hei taumarumarū mō te hunga e ngākaunui ana ki te whakawhānui i ngā pūkenga reo. Mōu te whare nei. Whakapirihiā tō tuara ki te pātū o tō tātou whare kia tīmata ai te rere o te kōrero.

Hei Mahi Whakarongo

Ākuanei tātou ka rongo ki ngā reo rōreka o ngā kōtiro o te kura o Hato Hōhepa. Hei ārahi i te mahi whakarongo, anei ngā pātai hei whakautu mā koutou i a koutou e whakarongo ana:

1. E ai ki ngā kupu, he aha te tangata e whakawhirinaki ai ki Te Ariki?
2. He aha tētehi o ā rātou tonu ki Te Ariki?
3. He aha rātou i karanga ai ki Te Ariki?

He Whakamārama

E rua ngā rerenga kōrero ka tirohia i te rangi, me te rerekē o tētehi i tētehi. He aha te rerekētanga?

1. **Kei a au tētahi koti.** *I have a coat.*
2. **He koti tōku.** *I have a coat.*

I te taura tuatahi, kei te aro kē ki te wāhi kei reira te koti i tēnei wā tonu nei. I te taura tuarua, nō te kaikōrero te koti e kōrerohia ana.

Anei ngā whakakāhoretanga:

1. **Kāore i a au tētahi koti.** *I don't have a coat.*
2. **Kāore ōku koti.** *I don't have a coat.*

Tirohia hoki ngā whakakāhoretanga e whai ake nei:

He raruraru **tō** Kereama.

Kāore **ō** Kereama **raruraru**.

Kāore he **raruraru** **o** Kereama. (I tēnei whakakāhoretanga, ka ngaro te tohutō i te pūriro 'o')

Hei Mahi

Whakakāhoretia ēnei rerenga:

1. Kei taku hoa ngā kī.
2. Kei a Mere ōna ake hū.
3. He pātai tāku.
4. He tamāhine tāku.
5. He motokā tō tō pāpā?

Whakautu:

1. Kāore i taku hoa ngā kī.
2. Kāore i a Mere ōna ake hū.
3. Kāore āku/aku pātai.
4. Kāore āku/aku tamāhine.
5. Kāore he motokā o tōku/taku pāpā.